

金詩選

二

柳田文庫

文庫11

D 140

2



文庫 11
D 140
2



金詩選卷二

無錫顧奎光星五選輯 陶玉禾昆穀參評

鄴權二首

木犀

菊小未堪摘荒池悴美蕖窮秋不慰眼幽獨將焉
如殷勤藻宮子種桂庭之除乘閒弄餘花散落荒
山隅從茲雲月裔漂泊生江湖娟娟耐凍枝便與
羣芳殊琉璃剪芳葆蛾黃拂仙裾唾袖花點碧漱

金詩選

卷二



010190553332

金粟生膚好風一披拂九里香縈紆蘭蕙不敢友
荃蓀正僮奴妄意此尤物化工異吹噓不然九天
香安得獨付渠託物寄深縕古今一三閭收攬名
草木自比君子徒惟茲不挂口無乃聖不居抑夫
古簡編斷缺秦火餘君看齊魯臣史筆逸其書惜
哉不可曉臨風為嗟吁尤憐元祐前不及附歐蘇
末路益可惜例進宣和初仙根豈易致百死不一
甦昔遊汴離宮識此傾城妹摩挲三品石尚想狎
客娛却後十五年微霜半粘鬚一枝再經眼相對
憐羈孤不知苦何事玉骨乃爾癯故人憐我老尺

書遠招呼要趁秋香濃共此碧玉壺遙知嬋娟容
與我一笑俱

郊行二首 錄一

溪橋納納馬蹄輕竹裏人家犬吠聲行盡灘光溪
路黑隔林燈火夜深明

楊雲翼 三首

上白塢寺

睡飽枝筇徹上方門前山好更斜陽苔連碧色龜
趺古松落輕花鶴夢香身世窮通皆幻境山林朝
市自閒忙簾幙不動天風靜莫聽鈴聲替戾岡

張廣文消搖堂

至理達觀不
拾晉人宋人
牙慧

方寸閒田了萬緣。大空物物自翛然。鶴鳧長短無
餘性。鵬鷗高低各一天。身內江湖從濩落。眼前瓦
礫盡虛圓。叩門欲問姑山事。聾瞽由來愧叔連。

雙成寺中登樓

雲意生陰晚不收。西風踈雨一江秋。畫圖忽上闌
干角。隱隱平灣轉釣舟。

史肅二首

偶書

東風數點梨花雪。吹我傷春萬里心。知有高亭堪

律詩難於有
氣勢似此駁

健正不易得

眺遠惜無佳客共。登臨晴雲入戶團。傾蓋飛鳥隨
又作好音寒食清明少。天色孤居未要酒杯深。

山陰縣

湧雲驅雨不成霖。山徑危行未要深。午夢初迴鳥
鳥樂小亭斜日柳陰陰。

蕭貢二首

臨泉道中

半世事行役。茲遊初未經。峽門迷白晝。嶺脊上青
冥。澗曲莓苔滑。松盤霧雨溟。登危人跼踖。涉險馬
鈴竝。落日留行客。投鞭得驛亭。短牆明積雪。破屋

勻稱穩貼

金詩選 卷二 三
漏踈星。羌笛誰三弄。羈懷強一聽。葭蘆知不遠。河外數峰青。

米元章大字卷

詩亦倔強植牙似此筆力要足自開生面

顏揚死去誰補處。米狂筆力未可涯。追摹古人得高趣。別出新意成一家。老蛟驅雲肉倔強。枯樹漬雪水。植牙九原。裴說如可作。應有新詩三嘆嗟。

龐鑄二首

田器之燕子圖 器之自叙云。明昌丙辰。予從軍塞外。合虜里山野舍荒涼。難以狀言。春末有雙燕亦巢此屋。土人不之識。屢欲

捕之。予曲為全護。此燕晝出夜歸。予必開戶待之。忽一日飛止坐隅。都無驚畏。巧語移時不去。予始悟。明日秋社。此鳥當歸。殆留別語也。因作一詩贈之。云。幾年塞外歷崎危。誰謂烏衣亦此飛。朝向蘆陂知有為。莫投茅舍重相依。君憐我處頻迎語。我憶君時不掩扉。明日西風悲鼓角。君應先去我何歸。此詩以細字寫之。為蠟丸繫之。燕足上。明年四月。予受代歸。又八年。泰和甲子。任潞州觀察判官。四月十二日。偶坐解

舍之含翠堂。忽雙燕至。一飛簷戶間。一上
 硯屏。予諦視之。繫足蠟丸。故在乃知此鳥
 蓋往年贈詩者也。因請同年龐君才卿畫
 為圖。求諸公賦詩。

事既可感詩
 亦婉轉盡致
 細意慰貼

田君才略燕雲客。少年累有安邊策。悔從筆硯取
 功名。直要橫馳沙漠北。塞垣春雪白皚皚。東風未
 放玄陰開。烏衣之國定何許。一雙燕子能飛來。三
 年驛舍安西道。眼底鶯花無夢到。忽見低飛入短
 簷。此身似向邯鄲覺。君居海東我中原。相逢乃在
 穹廬前。天涯流落俱為客。感時念遠空潸然。長安

何限高高閣。晝夜風閒開翠幕。底事猜嫌不往依。
 甘從此地風沙惡。土人嗜肉無仁心。一生弋獵誇
 從禽。有巢幸穩勿浪出。汝身未必輕千金。朝來暮
 去益狎昵。物我相忘情意一。但怪重裘積漸添。元
 是西風催社日。須知音巧惟鷓鴣。忽來坐隅如告
 辭。我方留寓未歸得。為君忍賦傷心詩。詩成自述
 聊為戲。繫足封之亦何意。燕已歸飛我未歸。刁斗
 聲中忽驚歲。旄頭夜落妖氛收。嫖姚獻凱歸神州。
 玉關早喜班超入。北海不聞蘇武留。君才經世寧
 終在幕府須賢。來上黨。別後歸期兩及瓜。人間秋

燕十來往沈沈官舍紅芳稀葛衣燕居澹忘機忽
聞巧語入簷戶大似相識來相依一飛簷外窺庭
樹一上屏山驚不去解足分明得帛書真是當年
留別句天生萬物禽最微固耶偶耶吾不知古道
益遠交情醜朝恩莫怨雲遷移當時握手悲別離
一旦富貴棄如遺聞予燕歌應自疑慎無示之嗔
我譏

洛陽懷古

草樹蕭條故苑荒山川慘澹客魂傷玉光照眼新
開塚劍氣沈沙古戰場金谷更誰誇富麗銅駝何

不必感慨蕭
颯而懷古之
意已足

處問興亡一尊且對春風飲萬事從來穀與臧

高廷玉一首

道出平州寒食憶家

柳色方濃別玉京程程又值石龜城山重水復人
千里月苦風酸雁一聲上國春風桃葉渡東陽寒
食杏花餉楚魂蜀魄偏相妬兩地悠悠寄此情

李適一首

送窮

昔年曾作送窮詩結柳齋糧擬退之送去還來還
復語君家猶有讀書兒

含思悽惋而
詞極豐贍不
入蕭索

似類談諧實
關至理雋永
之思令寒士
破涕為笑

陳規一首

過驪山

豐鎬無由問。故基三章止。見柔離詩。而今多少華。清石都與行人刻。艷辭

馮延登二首

寄笏青柯平

飛雪驚沙捲屋茅。清寒激水透綈袍。松風度壑江聲遠。蘿月當軒扇影高。敢對名山談世事。不妨空腹貯離騷。且將手版牢藏起。政恐山人識馬曹。西園得西字

有議論有氣魄而深潭不露金詩中所難

句法巧而不纖

芳逕層巒百鳥啼。芝廬蘭畹自成蹊。仙舟倒影涵魚藻。畫棟銷香落燕泥。澗景晴薰紅樹暖。蕙風輕泛碧葢低。岡頭醉夢俄驚覺。歌吹誰家在竹西。

高憲二首

寄李天英

稻結蒼蒼陂已枯。西風剪剪弄楸梧。蒹葭水落魚梁迫。蟋蟀聲高山驛孤。社甕新成元亮酒。并刀細落季鷹鱸。作詩寄遠霜前鴈。人在海東天一隅。

題新山寺壁

列壑攢峯發興新。落花飛絮舞餘春。虛堂坐視三

氣調似晚唐與趙渭南許丁卯諸作為近

對法新穩

千界冠者相從五六人。澗草軟宜承屐齒。溪泉清可濯纓塵。靜聽山鳥松風裏。始悟人間樂未真。

王特起一首

沁源山中

野夫不識武城宰。問之無言色微改。但說今年秋雨多。黃芪滿谷無人采。踏遍西城錦石盤。莫投佛屋解征鞍。隈林依約見燈火。山谷人家初夜寒。

趙元三首

書懷繼元弟裕之韻四首錄二

著龜不須問我命。只自知多生隋宿業。世網纏綿

胸次空曠筆底超妙雖未

到靖節淡處要自面無俗塵

之驂。駟受羈。銜大笑。跛鼈遲。跛鼈亦復笑。縮首甘自卑。何必叅漆園。物理本自齊。檳榔可消穀。志士常苦飢。穆之萬人雄。猶不免此譏。我儒更多病。區區欲何為。鍾鼎不可倖。藜藿分所宜。安能如黃蜂。為人填蜜脾。清白儻少汗。後人何所貽。初學悔大謬。篆刻工文辭。年來馱酸醎。淡愛陶潛詩。愛詩固自佳。其如未忘機。回頭四十年。言動俱成非。誰能逐世利。日久常規規。惟當種溪田。與子常相期。窗扉有生意。山間春到時。長安冠蓋塵。游哉不如茲。西疇將有事。老農真吾師。不見元魯山。夢寐役

結句如此蕭
洒有別致

蕭散閑逸遺
山所謂五言
平淡處他人
不能造者也

所思遺山乃其後僻處政坐詩時復一相過照眼
珊瑚枝奇書多携來為子卧聽之

村居夏日

官府不著名散迹村落深白雲自朝暮青山無古
今愛此夏日永門巷多繁陰呼兒具繩牀不履亦
不簪殷勤好風來為我消煩襟一飽萬事了何用
腰黃金羈勒困名馬網羅多珍禽何如山鹿癡吻
吻戀長林

密 壽 四首

送王生西游

紫陁仙人今淵雲騎風御氣七尺身丈夫恥與噲
等伍故作野鶴昂雞羣往年書劍游梁日咳唾中
間滿珠璧温子徒勞手八义蘇老猶迷目五色慨
然拂袖遊嵩陽西南陌上書傳香仲宣堂中舍我
去舉杯却愁愁更長去程相近黃花節三十六峯
如玉列龍門楓葉隋紅綃洛浦蘆花舞晴雪勛名
細事猶秋毫政可痛飲讀離騷天津月照紫綺裘
緱嶺風吹青玉簫我無羽翼隨君起浩歌相送秋
光裏馮高西望青茫茫落日無情下寒水

北郊晚步

金詩選 卷三
陂水荷凋晚。茅簷燕去涼。遠林明落景。平麓淡秋光。
羣牧歸村巷。孤禽立野航。自諳閒散樂。園圃意尤長。

題晉卿王暉寶繪

密國律詩力求生新及入淺俗如新詩淡似魯黃酒歸思濃如鴨綠江富貴備來終作廢勳名便了又何如等語不脫尔時習氣此首富麗精切乃是王孫風

顧陸張吳寶繪堂。風花雪月保寧坊。錦囊玉軸三千幅。翠袖金釵十二行。數筆丹青參季范。一時遷謫為蘇黃。太原瓊玩名天下。舊跡猶憑古印章。

池蓮

輕輕姿質淡娟娟。點綴圓池亦可憐。數點忽飛荷葉雨。莫香分得小江天。

雅本色。

筆陣強韻脚穩不在多構形似語為奇

馮壁二首

雨後看並玉所控諸峯

並玉如高人。壁立九千仞。一日不見之。令人生鄙吝。春深木葉敷。秀色益濡潤。結茅寄僧藍。晴碧時得趁。老宿詫孫峯。隅侍到齧齏。連延青一色。枚數須諦認。溟濛空翠間。我亦疑未信。朝來雲氣昏。埋沒瑜匿瑾。如蒼梧政愁。湘妃鬱思舜。重陰俄解馭。靈對夕暉襯。娟娟忽層出。歷歷分遠近。雲峯互吞吐。千狀纔一瞬。出奇如孫吳。相降如廉藺。如衆星拱辰。如侯伯。入覲接武如羽簪。承迎如价儔。負固

如吳楚爭長如齊晉恠詭如夷蠻駢羅真琛贐窘
感如擒獲係累將就釁如應龍神靈蟄卧時奮迅
如天駟超軼坳牧脫羈勒如雄對改容失箸駭疾
震如猛士無譁攢槊俟嚴陣獨兩峯巍然魁傑儼
崇峻光輔岳柱天鬱為中興鎮降生申與甫周室
債復振詩傳配崧高百世磨不磷

雒帥覓蘭作詩以寄

雲插高牙畫戟森春移寶檻燕堂深水南紅藥初
退舍嵩麓紫蘭今嗣音壘足頰肩坐香累高梁華
棟豈渠心使君有問花應語玉樹誠佳非故林

對法變化

王若虛四首

題淵明歸去來圖五首 錄四

靖節迷途尚爾賒苦將覺悟向人誇此心若識真
歸處豈必田園始是家

孤雲出岫暮鴻飛去住悠然兩不疑我自欲歸歸
便了何須更說世相遺

拋却微官百自由應無一事挂心頭銷憂更藉琴
書力借問先生有底憂

名利醉心濃似酒貪夫衮衮死紅塵折腰不樂翻
然去此老猶為千載人

深心冷眼心
非批駁前賢
即靖節見之
但當相視而
笑從之詩
多寒餓之音
牢騷拂鬱苦
少蘊藉故獨
錄此

麻九疇五首

賦伯玉透光鏡

太陰淪魄元不耀太陽分光成二曜嗚呼怪銅盜
此幻透影柱壁與背肖奩開燿燿光支庭劃如割
犀乍脫鞞泓澄秋落百丈潭疑有龍向天門跳秦
娃漢婉化駕土寵兩恩雲埋鳳詔當年樹塗鑑桃
李身後泉臺映蓬藿枕篔無情草木香笙歌不暖
梟狐嘯觸體一醜不再妍不知持此將安照萬斛
珠璣委俑人喚得偷兒成鬼剽借問金椎一控時
何如海上青蠅弔壽如金石佳且好此銘此篆兩

思理奇筆力
險警策處能
劇目鉢心宜
為遺山推服

奇峭今誰子後曩誰先贏得紐樞經蟻竅千古繁
華一夢醒恍然入手稱神妙丹砂□紫翠羽青萬
金難買人年少君侯新自洛陽來玉臺人物今温
嶠相看大笑古人癡收鏡入奩還自笑

竹癭冠為李道人賦

東方有物字豐隆以鳴為職駢羣聳萬頭泚泚囚
凍窟欲出不出愁天公迴寒作暖出一噫黑帝不
敢藏昆蟲所以獨為六子長揮斥元氣周神功車
轟鼓震項萬里六甲雲風隨喚起四陰用事合收
聲猶奮狂陽鳴不已號令非時遭物玩草木不凋

才氣雄奇

寫竹癭取奇
崛

花再蕾惱得司秋訴帝閻漏泄機絨法當死天公
大恠下桎梏推落車中隋巖谷非程非馬亦非人
化作蒼莖一枝竹勁氣剛風難遽銷夜聞風雨猶
蕭蕭貸身直上三千尺天公又怪干雲霄鬼壓神
縛不聽出只見白雲鎖三日雲散惟餘青屈盤頤
隱於臍變仙質道人真是萬物盜斫取為冠就天
巧秋霜爭敢上頭顱常與春風同醉倒此冠固奇
惜未大有冠獨在方之外日月為藤織四時煙霞
為樺綿千載天潢絕漢梁虛碧北斗璇衡簪沉瀝
不陪脂粉侶狡狴不逐風霜陪獬豸一任旋乾復

此真大帽子
也轉覺少

轉坤頭上我我終古在欲作檀那施此冠不識先
生若為戴

梁山宮圖

梁山宮高高切雲秦家簫鼓空中聞宮殿作雲王
作龍何人敢謁馮池君珠圍翠繞窮天下道上行
人衣半楮不覺生靈血液枯化為宮上鴛鴦瓦朝
盧生莫侯生師事二人學羨門焉知以政藏其身
神仙亦死何曾神空能詐取六孱國不識侯生真
間客種成間隙侯生去尚令道士作鬼語祖龍竟
隋此機中以璧見欺猶未悟魚腥引得扛鼎來梁

驚動

議論頹妙

織

山火滅漢旗開何如後世丹青手一夫不役千樓
臺梁山之圖却傳世梁山之宮安在哉

跋伯玉命簡之臨米元章楚山圖

巴東峽僻如駁霞天鑿荆門當虎牙下有奔湍沈
碧沙直衝北固如投家雲煙昏曉互明滅朝看沃
日莫吞月遠山如指近如拳過客那知空一瞥高
人廬此恨來晚不厭孤蓬疊往返莫言造物好窮
人許大乾坤富君眼以心為鏡照諸山山如人面
紛殊顏扁舟日日青山上青山却在滄波間人道
癡兒固貪取我怪高人亦如許已將胸次裨長江

金詩七言長
篇劉迎李汾
之外筆力奇
勁才氣橫溢
者知幾能獨
張一軍

下句最簡錄
有法

更把毫端扛巨楚薺列楓林葉浮舸巧促魁梧入
么麼文尋收拾無邊春千里遊遨坐中我自此頭
吳尾甌越蠻烟五月髡人髮江山多處乃爾毒始
信中原天下甲楚山可覽不可上水氣昏昏且多
恙畫山縱不到真山有楚之峰無楚瘴靜明居士
見山饒想在菴中得飽參戲呼老李臨君畫已坐
君貪我更貪

夏日

亭柯翠合龍蛇影睡起輓轡鳴曉井一簾曉雨捲
不晴槐花滿地黃金冷屈指西風又到門相思圍

扇欲生塵何時萬戶垂楊裏高揖金鞭逢故人

劉從益 三首

和淵明飲酒韻

日入了公事接琴洗塵喧秋堂一燈明清響到夜
偏彈罷枕書卧渺然夢青山山英向我問君駕何
時還家僮忽喚覺惆悵不能言

即事

卧病劉公幹躬耕鄭子真溪山留好客天地許閒
人花醉紅沾袖松吟翠繞身捫心無所歎持此壽
吾親

類學清淡然苦氣促

雲卿詩率直取其追琢者

宋樓道中

十里羊腸路詰盤過花穿柳幾迴還馬頭忽轉青
林角綠繞人家水一灣

宋九嘉 一首

蓮社圖

野鴛家雞俗好垂虎溪泉石滿塵埃壯哉砥柱頽
波裏惟有淵明挽不來

雷淵 三首

京村將拜掃於陳徵言為贈老嬾廢學茫無
所得獨記其與屏山雲卿襟期所在者非

飛卿不喜佛法詩蓋以自况學士信道不篤往往逃入異端談空說玄借作歸宿或闢附講學或闢入文詞習氣可厭淵明不投蓮社豈非卓然自信有砥柱之力歟此固不獨寄託深

微也

文章論理不能見道論事不足經世所謂雕虫之技耳詩亦須有關性情風化乃不苟作括弄虫魚批抹風月何益世道甚則導淫獻媚且有害矣是詩所論真能見其大者不必河漢其言

以為詩也

梁苑池塘生綠煙吹臺草色春芊芊故人幽高閉
長眠氣槩英英猶眼前陽春無力蘇重泉孝子感
時涕泗連匍匐歸掃淮陽阡徵予贈別意拳拳我
自頑頓須人鑄安能視後輒子鞭姬情孔意星日
懸斡旋萬化中持權斯文興喪實關天尋常墨客
技藝然醫巫星歷相比肩何用雕琢空徂年即今
海縣漫腥膻獨挽洙泗可洗前迺公有志屏山賢
二豪在日子牽連傷我未售墳已顛老我欲種南
山田子之兄弟其周旋事業絕勝空言傳

贈陳司諫正叔

洗兵有志挽天河補袞剛留諫諍坡賦出石腸還
婉麗政成鐵面却中和寒侵桃李淒無色雪腔池
塘慘不波急手尊前謀一醉六街塵土浣人多

洛陽同裕之欽叔賦

日上煙花一片紅崧邱西峙洛川東纔聞候騎傳
青蓋又見牽羊出絳宮事去關河不橫草秋來陵
寢但飛蓬書生不奈興亡恨斗酒聊澆磊磊胸

李獻能 三首

邙城秋夜懷李仁卿

諛而不俗

感慨遙深

揮洒磅礴
轉如意筆法
從謁帝承明
廬詩中脫出

日入群動息。溟色陰濛濛。故人隔潁水。嫋嫋生秋風。
輕風捲纖雲。碧漢磨青銅。坐久襟袖涼。皎月升天東。
伊人如此月。齊色羅心胸。可望不可親。倏已駕飛鴻。
念此太虛間。心交神自通。而况千里月。相望寧不同。
孤光透薄帷。儼如接音容。翻翻繞枝鵲。唧唧侵階蛩。
上床轉不寐。高樓待晨鐘。相思夜何永。月落秋床空。

贈王飛伯雜言一首

東風吹客衣。敗絮逐風飛。曉雪沒寒齋。無物充朝飢。
空篋嘖嘖號。飢鼠饕蝨蠕蠕緣。破袴人生豈是

豪宕感激俊
逸處極撫青
蓮

犬與雞。終歲區區守門戶。游說萬乘若不早。儀秦殆是穿窬盜。六國印千金。車滿眼。榮華鏡中老。孔子聘列國。孟軻游齊梁。能令千載後。名與日月光。男兒生世不虛生。死恨身後無聲名。不然鳴玉遊紫京。不然著書談六經。九日可射天。可補鞭笞百蠻作。降虜離騷一篇亦不惡。雄筆盤盤映千古。君不見彩鳳翔丹霄。一鳴應九韶。寸雲起泰山。霖雨滿人間。丈夫窮達果在天安。用兒女得志相歆羨。失志相悲憐。仰天大笑出門去。四海今誰魯仲連。

昆陽元夜南寺小集

氣骨峭逸色
韻古雅其秀
可餐

欽詩詩清新
俊逸喜學青
蓮氣骨甚合
小其雄邁耳

春皋短短生蘭芽，東風嫋嫋吹芳華。暗黃著柳小
梅素，月姊新年恰十五。東皇太一來翩翩，竹宮神
光祀甘泉。茂陵弓劍沒秋草，鳳燈煌煌空自然。當
年曼衍魚龍舞，回頭昭陽化飛土。昆陽客舍冷於
冰，破殿蕭條佛燈古。雪消梁苑想春紅，車如流水
馬游龍。銀鉞載酒隨春風，酒酣一嚼百杯空。韶華
過眼弦上箭，人生得酒從歡醺。北斗闌干夜參半，
耿耿踈星淡河漢。

王渥一首

遊監田

甲申之秋月建戌，我行商顏正落木。山英似與行
子期，撥霧披雲到山腹。古潭千丈照錦峰，下有鰲
龍上棲鵠。高風吹雪已多時，熊耳雙尖寒欲縮。新
乘一水出龍渦，驚見千峰遮木榭。南山秀拔北山
雄，劍戟森然對羣玉。崎嶇直過監田西，始見商山
真面目。悟真峽口忽中斷，天末脩眉畫濃綠。此峽
何年得此名，曾有金仙構華屋。西巖石室懸細水，
萬斛瓊珠輸軻谷。行人尚說有七盤，瘦馬已愁疲
百曲。風門放眼望秦川，擾擾更嗟塵界跼。去年游
騎渡葭蘆，萬里橫行如鬼速。灞陵原下馬飲盃，太

起勢迅發而極跌宕之致

華峰頭虎擇肉今年九月未防秋始見登場有新
穀一鞭暮指古招提踈雨有情留客宿主人聞客
喜相接尊酒笑談如昔夙寒子嬾散本真性臨水
登山此生足一行作吏志益違十載從軍雙鬢禿
官家後日鑄五兵便擬買牛畊白鹿

冀禹錫一首

贈雷御史兼及松庵馮丈

平生疾惡如風手力振臺綱事所難人道千鈞差
射鼠我憐衆煦解漂山明時士論知無負晚歲交
盟豈易寒見說嵩前茹芝老白雲倚杖待君還

張建四首

擬古十首 錄三

石泉何清冷中有九節蒲蒲性本孤潔不受滓穢
汙一移入城市生意寄泥淤翠葉日焦卷不霜而
自枯寄言守靜者勿涉奔競途

庭前蘭蕙窠三年種不成門外旱蒺藜一旦還自
生第恐傷吾足鋤去根與萌如何一雨後走蔓復
縱橫

美人何熒熒顏若苔之英絕世而獨立一顧傾人
城三星正當戶俟我亦在庭之子無良媒不敢犯

託物諷諭古風郁然詩之感人動物比興之用為多自唐以下賦多而比興少是以直致無餘地所謂下死語犯本位者也

露行

送張子玉

渭水玻璃碧。秦山劍戟明。秋光如我瘦。行色與君清。蟬嘒西風柳。鴉翻落日城。歸舟幸無物。且莫苦貪程。

毛麾一首

春賞

潤入梅天雨乍晴。喚回春意有新鶯。雲霞照眼青山近。羅綺吹香白晝明。翠勺銀罌沽酒市。暖風遲日賣花聲。人人共喜華胥世。何用鼇頭羨錦城。

呂中孚一首

雪

隨風拂拂玉花飄。入夜寒窗更寂寥。爐火已殘燈未燼。一簾疎竹白蕭蕭。

王元節一首

古鎮道中

秀拔諸峰鎮海墩。海天水氣兩昏昏。鷗飛翠竹白沙地。人在黃魚紫蟹村。向背雲山行處路。淺深潮浦漲來痕。同游幸有能詩客。不倦躋攀到石門。

楊庭秀一首

句法頗縱

硬語盤空
貼排弄

成臯道中

瘦馬成臯道阻長。崢嶸冰雪老年光。九關欲上虎
豹怒。三逕不歸松菊荒。嵩少雲烟聊駐馬。漢唐宮
殿兩亡羊。鄭南嶺下梅花發。千里相思空斷腸。

張著一首

雨後

西風無意縵纖雲。掃盡千峰雨脚痕。一片秋光清
似水。家家空翠滿柴門。

劉鐸三首

春日

翠微深處幾人家。風颺輕煙雨澀沙。寒勒野桃開

較晚向陽纔有兩三花。

讀李訓鄭注傳二首

以世機非劉
昔未足允論
至訓注之死
情有可原次
首故非翻案

誰教閹宦作權臣。肅代優游到敬文。三子謀踈誰
不道。泄機也合罪劉蕡。

綦醫入侍本防猜。偶失機權亦可哀。陳竇至今佳

傳在莫從成敗論人材。

劉勛一首

元夜陰晦

逐逐雕鞍趁畫輪。年芳樂事一番新。芙蓉城暖東
風夜。楊柳樓深笑語春。兩鬢愁添新白雪。十年夢

少宣詩午風
襟袖知秋早
甲夜闌千得
月多及此首

皆溫雅無倫
又面目

到軟紅塵空庭不見梅花月
寂莫春陰最惱人

秦略二首

元日

新歷從頭數殘冬與我違
不知垂老至但覺拜人
稀汲水泥融井看書暖
入幃淺情牆外柳新綠已
依依

麝香

山麝逃風遠谷藏一山行過四山香
齊堂自養千鈞弩枉怨虞人鼻孔長

張珣一首

調低近而意
思自好簡
夫臨終詩云
軀殼羈樓宅
兒孫鮮近恩
雲山家好處

隨意著詩魂
可云達觀其
所存詩却未
見高妙
豺狼燕雀當
是喻言

移河中

耕戰連年廢吾知有此行
條山猶在眼渭水若為
情飽肉豺狼喜傾巢燕雀驚
西樓今夜月愁絕是
空城

張本二首

得王子正書

晨鵲何處來飛鳴向前除
故人在天涯遺我尺素
書為言長相思夢寐同所居
所居亦靡他上論損
讓初覺來獨愴然淡月留
太虛寒子臨末路世味
皆泊如一學未敢輟尚念
客氣鉏切磋與琢磨政

恐网友踈自從吾子東門之長者車發揮天人與
大辯孰起予丹陽何高明吾子昔所廬南軒拂翠
筠北潭照紅藻蝗害非不虐子食豈無餘藥江固
自佳何堪曳長裾春風旦夕至歸哉莫踟躕

中秋雨夕呈君美

怪得秋雲不肯晴天公為惜此杯傾無邊清景關
人意多事西風送雨聲桂樹婆娑辜勝賞桐枝點
滴厭殘更殷勤朝鏡休重攬白髮星星又幾莖

劉昂霄二首

遊五渡谷

南山如碧環缺處蒼崖開當年造物手辨此何神
哉睥睨倚天壁千古封莓苔源源萬斛泉飛出重
山來白龍三百丈行處鳴春雷巨石若棟宇磊砢
相推排跳波與濺沫餘怒猶喧豗我來值杪秋萬
壑風聲哀黃花雜紅樹錦繡紛巖隈奇勝夙所貪
欲去仍徘徊題詩還自笑媿我非仙材

趙村晚望

放眼東原上風煙接渺茫林踈出村落野迴散牛
羊天地浮元氣山河半夕陽登高一長嘯未覺阮
生狂

從少陵寒風
踈草木旭日
散雞豚化出
而別有景趣
○山河句應
指國家輿地

而言非寫景也觀結語可見

氣魄雄壯

翻案

田紫芝 二首

雨夜寄元敏之昆弟

醉夢蕭森蝶翅輕一燈無語夢邊明
虛檐急雨三江浪老木高風萬馬兵
枕簟先秋失殘暑湖山徹曉看新晴
對床曾有詩來否為問韋家好弟兄

冥鴻亭下第後作

眼底功名一物無飛揚跋扈竟何如
青雲岐路多辛苦賴得皇家結網罟

王萬鍾 一首

元氏桂軒為敏之賦

簾捲堂前燕子涼一軒燈火夜初長
月中春好元無價天上風來別有香
棠棣一家同映秀詞林百世繼餘芳
閒花野草空無數掩盡人間獨擅場

雷 瑄 三首

古意四首 錄三

美人傷獨宿窈窕春閨深素手捲翠被
當牕調玉琴危絃奏苦調清歌抗哀音
絃絕歌復咽起作薄命吟妾如朱槿
花含英愁晏陰郎如青銅鏡照面不照心
不怨不照心但惜飛光沈且留連理枕
莫捲合歡衾儻君回餘輝歡盟尚可尋

青蓮詩莫捲龍鬚席徒他生網絲且留琥珀枕或有夢來時結意自此脫出倦倦不作決絕語亦敦厚之遺也

比物引類意
微而顯綽有
古致

綿綿兔絲草濯濯檉樹枝結根偶相值引蔓纏綿
之春風一披拂柯葉含榮滋弱質附美陰百齡誓
不違清商忽用事霜飈颯以凄豈意百尺條同此
寸草萎委莫失所託憔悴徒傷悲知君無歲寒何
用相因依

賢王悲隊屨賢婦惜遺簪重在不_レ忘故微物何所
欽嗟我昔遊友雲路揚徽音詎念宿昔好棄擲各
飛沈昔如膠投漆今如辰與參桃李雖成蹊諒無
松柏心

郭邦彥 一首

夏秋間村落
之景如畫絕
妙行旅圖也

村行三首 錄一

棗花初落路塵香燕掠麻池乍頡頏一片雲陰遮
十頃賣瓜棚下午風涼

王元粹 七首

春日

春日何慘慘春雲何陰陰桃李都未_レ花况乃餘寒
侵久在_レ城市居而無人見尋讀易了一編靜見天
地心貧士寡徒侶古來非獨今

葉縣贈李長源

相見各異縣歲暮風霜清三日同眠食深見故人

感慨益藉

全詩選 卷二
情借問何所歷大梁與秦京悠悠川途永冉冉歲
月傾子當東北馳子亦西南征人事相羈束何時
當合并聊斟昆陽酒為澆胸次平出處固難必勉
哉崇令名

西山避亂三首

蒼山多回互四望令人迷過午日已暖殘雪融為
泥路滑不可進弱葛愁攀躋老幼委溝壑不如大
與雞嗷嗷同行子手中各有攜汲澗為飲食架木
為巖栖夜半三四驚翁媪禁兒啼念我長病母亂
離隔東西

氣骨蒼健有
少陵風格

野宿不得曉飛霜沾敝袍空山凝寒色天邊星月
高憶昔離郢城數家同遁逃穿林恐相失前後聞
呼號避亂但欲遠焉知登頓勞俯臨萬仞壑性命
輕鴻毛

青青道邊麥知是誰家田山田固已薄榛石復相
連旁有破茅屋日入不見煙借問舊居者聞亂已
西遷平生苦淪薄對此增慨然甲兵暗宇宙誰能
安一廛愁憂無從訴仰面視蒼天伐木南澗底雙
鹿過我前

壽李長源

金詩選 卷二
匹馬短衣看此行。看君誰信是書生。聽詩未覺秦川遠。倚劍長懷晉水清。一飯見哀韓信恥。千金為壽魯連輕。壯年休洒新亭淚。且為江山灌巨觥。

哭李長源

恰切長源身
事不獨生勁
有力結尤真
王可感

十月西來始哭君。山中何處有孤墳。以才見殺人皆惜。何物能全我未聞。李白歌詩堪應詔。陳琳書檄偶從軍。窮途無地酬知己。會待昇平緝舊文。

王鬱二首

楚妃怨

此及遊子吟
皆情含景中

涼風遶樹秋。長河絡天碧。深宮悄無人。月暗莎雞

泣。

遊子吟

悽怨之意都
在言外。詩以
不說盡為工。
高手說盡處
仍是不盡。

短日空。徘徊流雲自來去。茫茫曉野客衣單。白露無聲落秋樹。

杜佺一首

馬嵬道中

垂柳陰陰水拍隄。春晴茅屋燕爭泥。海棠正好東風惡。狼籍殘紅送馬蹄。

李之翰一首

中京遇因長老

風致殊佳。

起筆飄洒而
沉鬱

天涯流落偶生還。古刹相逢語夜闌。歎我歸途千里遠。喜君禪榻一身安。松聲不斷風吟細。月影無邊露氣寒。分手山堂更寥索。冷雲衰草伴征鞍。

楊興宗 一首

出劍門

晚唐妍句

啞啞鳴鴈下長川。萬疊青峰只眼前。山鷓啄餘紅杏粉。杜鵑啼破綠楊煙。夢迴蜀棧雲千片。醉枕巴江月一船。物色誰分杜陵老。風騷牢落劍南天。

元日能 一首

紅梅

天上瓊兒白玉肌。吳粧略約更相宜。認桃辨杏由君眼。自有溪山風月知。

張大節 一首

同新進士呂子成輩宴集狀元樓

鸚鵡新班宴杏園。不妨老鶴也乘軒。龍津橋上黃金榜。三見門生是狀元。

王 珣 一首

王元仲海岳樓同諸公賦

十二朱欄倚半空。元龍高卧定誰雄。簷楹翠濕蓬山雨。枕簟涼生弱水風。物色橫陳詩卷裏。雲濤飛

劉崑老詩一點清香透雲雪是中那得杏花天評者謂二詩同意而日能為工蓋咏物詩首貴超脫以若即若離自不可移易為佳端求工切如元謝宗可之流縱極巧思只是燈謎耳胡元瑞言詩與其切而不工無寧工而不切切而不

工亦謂粘滯
俚俗者耳此
又妙於切與
王荆公平山
堂詩相敵

一語無限悽
愴

用字甚雅

動酒杯中。謫仙會有騎鯨使。八極神遊路可通。

李獻可一首

清水寒食感懷

桃花零亂柳成陰。人到春深思更深。芳草成樓天
不盡。異鄉寒食故鄉心。

趙慤一首

蜀山曉發

曉發蜀山道。山深人自迷。殘星數徽小。斜月一梳
低。隔舍綠車響。遙林杜宇啼。區區事行役。何日得
安栖。

趙之傑一首

題濟源龍潭寺

樹圍脩竹竹圍菴。菴下泓然碧一潭。極目荷花半
秋色。小橫圖上看江南。

田特秀一首

寓萬安寺

長途鞍馬倦黃塵。喜見空崑萬疊雲。漫漫野煙迷
去鳥。蕭蕭林葉帶殘曛。苔封老檜龍鱗起。石礙流
泉燕尾分。夜敞松窗耿無寐。一庭蘿影月紛紛。

宗端脩一首

通首停勻第
六句有新意
○彥實所居
里名半十行
第五小字五
兒以五月五
日生二十五
歲鄉府省御

四試皆中第
五年五十五
以八月十五
日卒亦奇事
也
冷而隽

漫書

冷面宜教冷眼看
只慙索米向長安
陰崖何限枯
松樹望見屏幃盡牡丹

李好復 二首

雨中與客飲

門外平橋一水分
數聲漁唱隔溪聞
暖風落絮飄香雪
小雨沾花溼夢雲
釀具未甘名長物
詩壇聊欲張吾軍
相逢莫惜通宵飲
明日閒身不屬君

邵智夫同遊南城

園林晴晝蔚如煙
林外支流盡水田
落日趁墟人

已散鷺鷥飛上渡頭船

王 擴 一首

題神霄宮清心軒

紛紛百慮自心生
方寸清來百慮平
未了此心私自笑
更憂時世欲澄清

劉 昂 一首

零口早發

馬上兀殘夢
沈沈天向晨
行雲如妒月
古道不逢人
野曠畊聲遠
山高露氣新
哦詩無好語
聊爾一吟呻

於難齊茅店
句外又得別
致惜結語太
率

刁白一首

物質

物質方圓定。營營止自疲。鶴鳧傷斷續。鴈鷄失高卑。巧宦多成拙。徐行未必遲。可憐箏上雁。來往聽人移。

語有至理

張德直一首

叔能見過

度嶺千峰濶。沿溪一徑微。山寒花發晚。村迥客來稀。強飲醜佳節。悲歌送夕暉。平生愛歡聚。衰病與心違。

馮辰一首

雨後

東風花外錦鳩啼。喚起西山雨一犁。綠滿蔬畦人不到。桔槔閒立夕陽低。

張澄一首

和林秋日感懷寄張文御史二首錄一

塞草枯黃秋未殘。北風裘褐日生寒。田園政憶遂初賦。冰雪莫吟行路難。囊穎露雖徒自苦。蒯緱有劍祗空彈。南窗明暖無塵到。慙愧高人老鶻冠。

王脩齡一首

挺健

黃葉行送祖唐臣歸拓縣

送君黃葉山黃葉紛不埽。上有蕭蕭之風樹。下有
湯湯之衰草。山中黃葉行復青。脾肉一消人自老。
酒盡意不盡。執手臨古道。古道連延走錦襄。錦襄
日莫浮雲翔。一燈孤館相思處。寒雁一聲秋夜長。
步元舉一首

下第過榆次

栖遲零落未歸人。已坐無成更坐貧。意氣敢論題
柱客。晨昏多負倚門親。囊空漸覺錢餘貫。衣敝翻
饒虱。滿身遙望秦關獨。惆悵一天風雨落花春。

晨昏多負倚門親。真聲悅痛。唐人下第詩不及道。氣味如中酒。情懷似別人。

史士舉一首

晉祠

小橋流水竹蕭森。竹裏人家一逕深。只欠東風小
籬落。梅香踈淡月籠陰。

郝天挺一首

送門生赴省闈

青出於藍青愈青。小年場屋便馳聲。未饒徐泐早
求舉。却笑陸機遲得名。嗟我再衰空眊矚。喜君初
筮已崢嶸。此行占取黿頭穩。平地煙霄屬後生。

莫擬盡矣。却未說到至性至情處。

晉知云。讀書不為藝文。選官不為利養。惟通人能之。又曰。男兒生世。不耐飢寒。則雖小事。不能成。皆名言。

金詩選卷二

皇和文化三年夏四月

館機樞卿校字

48-13435

